



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ № Վ-25/29

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»
08.06.2022 ԹՎԱԿԱՆԻ Հ. Վ-23/19 ՈՐՈՇՄԱՆ ՄԵՋ
ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ

ք. Երևան

«22» *hmedseef* 2022թ.

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևան քաղաքի Արաբկիր վարչական շրջանի ղեկավարի աշխատակազմի աշխատակից Ն. Դավթյանի կողմից 02.05.2022 թվականին հայտնաբերվել է «Գովազդի մասին» օրենքի (հետայսու՝ Օրենք) 26-րդ հոդվածի 1.1 կետով նախատեսված իրավախախտում, մասնավորապես՝ «Վիկինգ-Արմս» սահմանափակ պատասխանատվությամբ ընկերության կողմից Երևան քաղաքի Վաղարշյան փողոցի հ. 12/1 հասցեում, առանց համապատասխան թույլտվության, տեղադրվել է «Վիկինգ, որսորդական և ձկնորսական պարագաներ» բովանդակությամբ արտաքին գովազդ, որի վերաբերյալ 03.05.2022 թվականին կազմվել է վարչական իրավախախտման վերաբերյալ թիվ 001367 արձանագրությունը: Կազմված արձանագրության հիման վրա հարուցված վարչական վարույթի շրջանակներում իրականացված գործի քննության արդյունքում, 08.06.2022 թվականի «Վարչական տույժ նշանակելու մասին» հ. Վ-23/19 որոշմամբ, «Վիկինգ-Արմս» սահմանափակ պատասխանատվությամբ ընկերությունն, Օրենքի 26-րդ հոդվածի 2.1-րդ մասով, ենթարկվել է վարչական պատասխանատվության՝ 100.000 (հարյուր հազար) ՀՀ դրամ գումարի չափով:

«Վիկինգ-Արմս» սահմանափակ պատասխանատվությամբ ընկերության տնօրեն Լիլիա Մամոնի Որսկանյանը 10.06.2022 թվականի հ. Դ-36796-22 դիմումով խնդրել է վերանայել 08.06.2022 թվականի «Վարչական տույժ նշանակելու մասին» հ. Վ-23/19 որոշմամբ նշանակված վարչական տույժի չափը:

Ներկայացված դիմումի հիման վրա «Վարչարարության հիմունքների և վարչական վարույթի մասին» օրենքի /հետայսու Օրենք/ 30-րդ հոդվածի 1-ին մասի «ա» կետի հիմքով հարուցված վարչական վարույթի շրջանակներում 22.06.2022 թվականին կազմակերպված լսումներին ներկայացավ «Վիկինգ-Արմս» սահմանափակ պատասխանատվությամբ ընկերության ներկայացուցիչ Հայկ Զիվանյանը (նույնականացման քարտ 011454337, տրված 25.10.2021 թվականին, 004-ի կողմից): Վերջինս, բացի «Բացատրագիր» վերաառությամբ նյութում տրված բացատրություններից, հայտնեց նաև, որ ապօրինի տեղադրված գովազդը ներկայումս ապամոնտաժված է: Ընդունում են իրավախախտումը: Հայտնում են իրենց անկեղծ գոջումը:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին վարչական իրավախախտման վերաբերյալ 08.06.2022 թվականի հ. Վ-23/19 գործը, 10.06.2022 թվականի հ. Դ-36796-22 դիմումը, ինչպես նաև «Վիկինգ-Արմս» սահմանափակ պատասխանատվությամբ ընկերության ներկայացուցիչ Հայկ Զիվանյանի կողմից տրված

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 02.05.2022 թվականի դրությամբ «Վիկինգ-Արմս» սահմանափակ պատասխանատվությամբ ընկերությունը՝ հանդիսանալով գովազդակիր, Երևան քաղաքի Վաղարշյան փողոցի հ. 12/1 հասցեում, առանց համապատասխան թույլտվության, տեղադրվել է «Վիկինգ, որսորդական և ձկնորսական պարագաներ» բովանդակությամբ արտաքին գովազդ, որով նաև իր նախաձեռնության մասին տեղեկություն է տարածում անորոշ թվով անձանց շրջանում, ձևավորելով հետաքրքրություն իր նախաձեռնության նկատմամբ: Հաշվի առնելով «Վիկինգ-Արմս» սահմանափակ պատասխանատվությամբ ընկերության ներկայացուցիչ Հայկ Զիվանյանի կողմից տրված բացատրությունները, իրավախախտման հետևանքների վերացմանն ուղղված գործողություններն, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել, ուստի առկա է վարչական իրավախախտման համար պատասխանատվությունը մեղմացնող հանգամանքը:

4. Վարչական ակտ ընդունելու իրավական հիմքերը:

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենքի 26-րդ հոդվածի 1.1-ին կետի համաձայն՝ Երևանի քաղաքապետն իրավասու է, Հայաստանի Հանրապետության գործող օրենսդրության համաձայն, տուգանք կիրառելու Երևանում համաքաղաքային կանոններին համապատասխան համայնքի տարածքում արտաքին գովազդ տեղադրելու թույլտվության պայմանների խախտման մասին իր ծանուցագրերի պահանջների կատարումից խուսափելու կամ ժամանակին չկատարելու համար, ինչպես նաև Երևան քաղաքում առանց արտաքին գովազդ տեղադրելու թույլտվության արտաքին գովազդ տեղադրելու համար:

Օրենքի 2.1-ին կետի համաձայն՝ գովազդատուները, գովազդ արտադրողները, գովազդակիրները սույն հոդվածի 1.1-ին կետով նախատեսված խախտումների համար կրում են վարչական պատասխանատվություն: Այդ դեպքում Երևանի քաղաքապետն իրավունք ունի նրանց նկատմամբ կիրառելու տուգանք՝ նվազագույն աշխատավարձի մինչև 100-ապատիկի չափով:

Օրենսգրքի 292-րդ հոդվածի համաձայն՝ վարչական իրավախախտման վերաբերյալ գործի որոշման դեմ գանգատը կամ բողոքը քննող մարմինը (պաշտոնատար անձը) ստուգում է ընդունված որոշման օրինականությունն ու հիմնավորվածությունը:

Օրենսգրքի 293-րդ հոդվածի 1-ին մասի համաձայն՝ վարչական իրավախախտման վերաբերյալ գործի որոշման դեմ գանգատը կամ բողոքը քննող մարմինը (պաշտոնատար անձը) ընդունում է հետևյալ որոշումներից մեկը՝

- 1) որոշումը թողնում է անփոփոխ, իսկ գանգատը կամ բողոքը՝ առանց բավարարման.
- 2) բեկանում է որոշումը և գործն ուղարկում նոր քննության.
- 3) բեկանում է որոշումը և կարճում գործը.

4) վարչական իրավախախտման համար պատասխանատվության մասին նորմատիվ ակտով նախատեսված շրջանակներում փոխում է նշանակված տույժի միջոցը, բայց այնպես, որ տույժը չխստացվի:

Օրենսգրքի 33-րդ հոդվածի 1-ին կետի համաձայն՝ վարչական իրավախախտման համար պատասխանատվությունը մեղմացնող հանգամանք է համարվում՝ մեղավորի անկեղծ զղջումը:

Նույն հոդվածի 5-րդ կետով սահմանված է, որ վարչական իրավախախտման վերաբերյալ գործը լուծող մարմինը (պաշտոնատար անձը) կարող է մեղմացուցիչ համարել նաև այնպիսի հանգամանքներ, որոնք չեն նշված օրենսդրության մեջ:

Ելնելով վերոգրյալից և ղեկավարվելով Օրենքի 26-րդ հոդվածով, Օրենսգրքի 23-րդ հոդվածի 1-ին կետով, 33-րդ, 219.1-րդ, 252-րդ, 281-րդ, 282-րդ հոդվածներով և 293-րդ հոդվածի 1-ին մասով, Երևանի քաղաքապետի 30.05.2022 թվականի թիվ 1986-Ա որոշմամբ

ՈՐՈՇԵՑԻ

1. «Վիկինգ-Արմս» սահմանափակ պատասխանատվությամբ ընկերության նկատմամբ 08.06.2022 թվականի «Վարչական տույժ նշանակելու մասին» հ. Վ-23/19 որոշմամբ նշանակված տույժի՝ 100.000 (հարյուր հազար) ՀՀ դրամ գումարը փոփոխել և նշանակել վարչական տույժ՝ 40.000 (քառասուն հազար) ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900035311100 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՇՈՒԹՅԱՆ
ՊԵՏԻ ՏԵՂԱԿԱՆ



ԱՐԱՄ ՄԱՐՏԻՐՈՍՅԱՆ